

## ՄԻ ՊՏՈՅՏ ԶԱՂԱՔՈՒՄ

Առաւօտը շատ վաղ ջինրիկիշաները արդէն խմբուել էին լուսամուտների տակ, ուշադիր մեր դուրս գալուն, եւ հէնց որ երեւացինք դռների մէջ, նրանք ուրախ վազ տւին դէպի մեզ, իրար առաջը կտրելով:

Առանց վարանումի հէր, որ մենք տեղի տւինք նրանց խնդրանքին ու հեծանք թեթեւ կառքերը:

Ջինրիկիշաները իսկոյն հանգստացան. սրբեց նրանց դէմքից պաղատանքի արտայայտութիւնը, եւ մեզ մի թեթեւ ու խնամածու ժպիտ ձօնելով՝ աշխոյժ լծեցին ու առաջ վազեցին:

Աջ ու ձախ երեւում ու աչքից կորչում էին չինացի դերձակների ու կօշկակարների աշխատանոցները իրենց ցուցանակներով եւ այլ այդ կարգի ուրիշ խանութներ, որոնք ծառայում են եւրոպացիների պէտքերին: Չինացիք շատ վարժ եւրոպական շորեր են կարում, ճարպիկ կերպով յարմարելով մեր ճաշակին ու տարագին, որ նրանց համար այնքան խորթ է:

Այդ տեսակէտից առանձին յաջողութիւն ունեն կնոջ հագուստ կարողները, այնպէս որ եւրոպուհիք յօժարութեամբ դրանց են յանձնում իրանց արդուզարդը:

Ուրախ է կեանքը եւրոպական թաղում:

Անթիւ գարեջրատների բաց դռներից դուրս են խուժում հարբած երաժիշտների հնչիւնները, որի հափի տակ զւարթ պարում են գլուխները տաքացած օտարազգի նաւաստիները:

Մենք արագ անցանք կամրջով այն բազմաթիւ ջրանցքներից մէկը, որոնք ցանցի պէս կտրտում են քաղաքը, եւ մտանք արդէն գուտ ճապոնական մասը: